

O Pleno da Corporación Provincial na súa sesión ordinaria do día 23 de xuño de 2022 adoptou, entre outros, o seguinte acordo, que na súa parte dispositiva di:

2.7810.- **APROBACIÓN DA CONTA XERAL DA DEPUTACIÓN CORRESPONDENTE Ó EXERCICIO 2021 (EXPTES. 2022023869 - 2022006016)**

Unha vez formada pola Intervención a Conta Xeral da Deputación de Pontevedra correspondente ó exercicio 2021, reúnen as Deputadas e Deputados integrantes da Comisión Especial de Contas da Deputación Provincial de Pontevedra co obxecto de someter a informe da Comisión a Conta Xeral (nos termos establecidos no artigo 212.2 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais), que inclúe a conta da propia Deputación de Pontevedra, a da Escola Universitaria de Enfermería, a do Consorcio Provincial de Pontevedra para a prestación do Servizo contra incendios e salvamento, a do Consorcio para o Servizo contra incendios e salvamento das Comarcas do Deza e Tabeirós-Terra de Montes, e a conta consolidada.

Resultando que a Conta Xeral da Deputación de Pontevedra do exercicio 2021, a consolidada, e a da Escola Universitaria de Enfermería é rendida polo Deputado Delegado Don Carlos López Font, por delegación efectuada por Resolución Presidencial número 2019012988 de data 15 de xullo de 2019. No caso do Consorcio Provincial de Pontevedra para a prestación do Servizo contra incendios e salvamento, é rendida pola Presidenta da Deputación, Dona María del Carmen Silva Rego, e no caso do Consorcio para o Servizo contra incendios e salvamento das Comarcas do Deza e Tabeirós-Terra de Montes é rendida polo Presidente do Consorcio, D. José Crespo Iglesias.

Resultando que a Comisión Especial de Contas na sesión celebrada o 20 de maio de 2022 acordou por maioría, cos votos a favor das Deputadas e Deputados dos grupos provinciais do PSdeG-PSOE e do BNG, e a abstención das Deputadas e Deputados do Grupo Provincial do Partido Popular, emitir informe favorable sobre o expediente da Conta Xeral da Deputación de Pontevedra correspondente ó exercicio de 2021, que inclúe tanto a conta consolidada, a da propia Deputación de Pontevedra, a da Escola Universitaria de Enfermería, a do Consorcio Provincial de Pontevedra para a prestación do



Servizo contra incendios e salvamento, e a do Consorcio para o Servizo contra incendios e salvamento das Comarcas do Deza e Tabeirós-Terra de Montes, nos termos e coa documentación que consta no expediente.

Resultando que, en cumprimento co disposto no artigo 212.3 do Texto Refundido da Lei Reguladora das Facendas Locais, aprobado polo Real decreto legislativo 2/2004, de 5 de marzo, a Conta Xeral da Deputación de Pontevedra do exercicio 2020 foi exposta ó público a través dun anuncio publicado no Boletín Oficial da Provincia de Pontevedra número 97, de data 23 de maio de 2022, por un prazo de quince días durante os cales as persoas interesadas podían presentar as reclamacións, reparos ou observacións que estimaran pertinentes ó citado expediente. Este prazo de exposición pública iniciouse o día 24 de maio de 2022, e finalizou o día 13 de xuño de 2022 (ambos inclusive).

Resultando que durante o prazo de exposición pública non tivo entrada no Rexistro electrónico da Deputación de Pontevedra ningunha reclamación, reparo ou observación ó expediente da Conta Xeral da Deputación de Pontevedra do exercicio 2021, segundo consta na certificación do Secretario Xeral da Deputación de Pontevedra de data 20 de xuño de 2022.

Considerando o establecido no artigo 116 da Lei 7/1985, de 2 de abril, Reguladora das Bases de Réxime Local; nos artigos 208 a 212 do Real decreto legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais; nos artigos 89 a 105 do Real decreto 500/90, de 20 de abril, e nas regras 44 a 51 da Orde HAP/1781/2013, de 20 de setembro, pola que se aproba a instrución do modelo normal de contabilidade local.

O Pleno, de conformidade co ditame favorable da Comisión Especial de Contas, acorda por maioría, cos votos a favor do PSdeG-PSOE e do BNG e coas abstencións do PP:

1. Aprobar a Conta Xeral da Deputación de Pontevedra correspondente ó exercicio 2021, que inclúe tanto a consolidada, como a da propia Deputación de Pontevedra, a da Escola Universitaria de Enfermería, a do Consorcio Provincial de Pontevedra para a prestación do Servizo contra incendios e salvamento, e a do Consorcio para o Servizo contra incendios e salvamento das Comarcas do Deza e Tabeirós-Terra de Montes.



2. Rendir a Conta Xeral da Deputación de Pontevedra correspondente ó exercicio 2021 así aprobada e toda a documentación que a integra ó Consello de Contas.

O que lle comunico a Vde. para o seu coñecemento e efectos, coa salvidade que establece o art. 206 do RD 2568/86, de 28 de novembro.

Pontevedra, 27 de xuño de 2022

Antonio Torrón Casal

Secretario da Comisión Especial de Contas

(Documento asinado electronicamente)

Contra este acordo, que pon fin á vía administrativa, poderá interpoñer recurso potestativo de reposición perante o mesmo órgano que o ditou, no prazo dun mes a partir do día seguinte ó desta notificación (artigos 112 e 124 da Lei 39/2015, de 1 de outubro, de Procedemento Administrativo Común das Administracións Públicas) ou ben, directamente, recurso contencioso-administrativo perante o Xulgado do Contencioso-Administrativo de Pontevedra segundo o disposto no artigo 8 da Lei 29/1998, de 13 de xullo, Reguladora da Xurisdición Contencioso-Administrativa e, todo iso, no prazo establecido no artigo 46 da citada Lei.

Todo iso sen prexuízo de que poida utilizar calquera outro recurso que estime conveniente.

